

# Գիտություն


ՀՈՒՆՎԱՐ

№ 1 (188)

2006թ.

ԸՇ Գիտությունների ազգային ակադեմիայի թերթ

Հրատարակվում է 1993 թ. փետրվարից



Վարագդատ ՀԱՐՈՒԹՅՈՒՆՅԱՆ, ՀՀ ԳԱԱ ակադեմիկոս

## ԳԻՏԱԿԱՆ ՎԱՍՏԱՎԻ ՎԵՐՀԻՇՈՒՄ

Հայաստանի «Վասպուրական» հայրենակցական միության նախաձեռնությամբ ու Հայաստանի գիտությունների ազգային ակադեմիայի Պատմության ինստիտուտի մասնակցությամբ կազմակերպված հավաքը նվիրված էր բեղմնավոր պատմաբան, քարգմանիչ Հարություն Թուրշյանին:

Իմ խոսքը նվիրված է իմ հայրենակցի կյանքին և գիտական վաստակին:

Ծնվել է 1900 թվականին Արևմտյան Հայաստանի Վան քաղաքում: Այնուհետ է ստացել իր նախնական կրթությունը: Տասնինը տարեկան էր, երբ ոչ միայն ակադեմիայից եղավ, այլև մասնակցեց վանեցիների ինքնապաշտպանական կռիվներին, որն ավարտվեց հաղթանակով:

Սակայն, առաջացած իրադրության պատճառով վան-վասպուրականցիները ստիպված եղան թողնել տունն ու մուկը, դրախտանման Վանն ու կապուտակ Վանա ծովը, բռնել գաղթի ճամփան:

Հայտնվելով Կովկասում, նա ընդունվում է Թիֆլիսի Ներսիսյան դպրոցը, որն ավարտում է 1920 թվականին:

Փոխադրվելով Բաքու, ուսանել է այնտեղի պետական համալսարանի պատմության ֆակուլտետում, որն ավարտել է 1926-ին: Ուսանողության տարիներին և այնուհետև, հայոց լեզու և գրականություն է դասավանդել Բաքվի Հովհաննես Թումանյանի անվան հայկական միջնակարգ դպրոցում, աշխատակցել տեղի հայկական թերթին:

1931-ին փոխադրվելով Երևան, մինչև 1954 թ. եղել է «Սովետական Հայաստան» օրաթերթի ռեդակցիայի և քարգմանիչը: 1947-ին «Հայ-հայերենական առնչությունները 7-րդ դարից մինչև 20-րդ դարը» թեմայով ատենախոսության համար նրան շնորհվել է պատմական գիտությունների թեկնածուի աստիճան:

Ընալ ու բազմաբովանդակ է եղել Հարություն Թուրշյանի գիտական վաստակը: Դրանցից առավել նշանավորն է «Մարդարապատի հերոսամարտը» աշխատությունը, որը լույս տեսավ 1965 թվականին՝ 10.000 տպաքանակով:

Ժամանակը բարենպաստ էր այդպիսի մի աշխատության հրապարակ գալու համար, քանզի Մարդարապատի ճակատամարտը, ո-

րում Արարատյան դաշտը մտած թուրքական կանոնավոր զորքը պարտվեց ու հեռացավ, բախտորոշ նշանակություն ունեցավ եղեռնը վերապրած հայ ժողովրդի ճակատագրում:

Հարություն Թուրշյանը կարողացավ վեր հանել պատմական այն ճշմարտությունը, որ Մարդարապատի ճակատամարտը համաժողովրդական էր, նրանում մասնակցում էին ոչ միայն փոքրաքանակ հայկական զորամասեր, այլև ողջ հայ ժողովուրդը, որի թվում էին եղեռնի ճամփով Արևելյան Հայաստան փոխադրված գաղթական զորախմբերը, Վանի հերոսամարտի մասնակիցները, նաև՝ Հարություն Թուրշյանը:

Վերն ասացի, որ ժամանակը նպաստավոր էր, քանզի Երևանում տեղի ունեցան 1915 թ. եղեռնի հետ կապված իրադարձություններ, որոնք առաջացրին ազգային զարթոնք: Այդ է պատճառը, որ «Մարդարապատի հերոսամարտը» հեղինակին բարձր գնահատականի ու ճանաչման արժանացրեց: Գիրքը 1969-ին երկրորդ անգամ վերահրատարակվեց, այս անգամ՝ 30.000 տպաքանակով:

1967 թվականին Թուրշյանը հրատարակեց «Ջրաօդազորման սիստեմը Վասպուրականում» աշխատությունը, որը մեծ հետաքրքրություն է ներկայացնում, քանզի այն լուսաբանում է քաղաքի ստորգետնյա մատակարարման համակարգի գործունեությունը, իրականացվող քյանքյաններ կոչվող մասնագետների գործունեության շնորհիվ: Այդ ստորգետնյա հորերում և այրերում էին պահվում վանեցի հայերի զենքերը:

Հարություն Թուրշյանի գրչին են պատկանում նաև շատ գիտական աշխատություններ, որոնց գնահատականը թողնում ենք մասնագետ պատմաբաններին: Թուրշյանը նաև հմուտ և բեղմնավոր քարգմանիչ էր:

Հարություն Թուրշյանի անտիպ գործերի թվին է պատկանում Վանի բարբառի խիստ արժեքավոր բառարանը: Եթե այն գտնվի, ապա «Վասպուրական» հայրենակցական միության առաջնահերթ ջանքերից մեկը պիտի լինի դրա հրատարակումը:

Հակիրճ այսպիսին է իմ նշանավոր հայրենակից Հարություն Թուրշյանի գիտական վաստակը, որը կարիք ունի պատմաբանների ուսումնասիրմանն ու արժեքավորմանը:

## ԲԱՐԲԱՐՈՍՆԵՐԸ

Նախիջևանում բանակային զորամասերի օգնությամբ ազերիները իսպառ վերացնում են հայկական ճարտարապետական հուշարձանները: Ինչպես մեծն Զյուլգուն կասեր՝ «Այստեղով թուրքեր են անցել...»:

Տես՝ 3-րդ էջ

## ՀԱՅՏԱՐԱՐՈՒԹՅՈՒՆ

Նախիջևանի ինքնավար Հանրապետության այսօրվա տարածքը Մեծ Հայքի Այրարատ աշխարհի Շարուր գավառի մի մասի, Վասպուրականի Նախիջևան ու Գողթն, Սյունիքի Երնջակ, Շահապոնք և Չախուկ գավառների տարածքներն են, որոնք 1828 թ. Թուրքմենչայի պայմանագրից հետո, 1828 և 1840 թթ. մտել են Ռուսաստանի ստեղծած «Հայկական մարզ»-ի, իսկ մարզը լուծարվելուց հետո, 1849 թ. մինչև 1918 թվականի մայիս ամիսը՝ Երևանի նահանգի մեջ:

1919 թ. վերջերից Նախիջևանի ինքնավար Հանրապետության այսօրվա տարածքը եղել է Հայաստանի առաջին Հանրապետության կազմում:


Թեև Ադրբեջանի սանձազերծած և Թուրքիայի գործակցությամբ իրականացված 1918 և 1920 թթ. ասպատակությունների հետևանքով հայերի թվաքանակը փոխվել էր հոգուտ աղբյուրների, այնուամենայնիվ Նախիջևանի ինքնավար Հանրապետության բնակչության զգալի մասը 1920-1960-ական թթ. դեռևս կազմում էին հայերը:

3

## ԱՐԿՏԻԿԱՅԻ



Կարդացեք 3-րդ էջում



«Կյանքի  
նավակն  
հե՛սֆ  
չթողեց  
իր  
եսի՛ն...»

## Հրաշիկ ԱՎԱԳՅԱՆ

Երկրահամաբանական գիտությունների դոկտոր

# ՊՈՆԶԻ ԵՎ ՄՈՒԼԻԲՈՒՆԻ ԽՏԱՆՅՈՒԹԵՐԻ ՄԵՏԱԼՈՒՐԳԻԱԿԱՆ ՎԵՐԱՄՇԱԿՈՒՄԸ

(Սկիզբը նախորդ համարում)

Ձեռնարկության հասույթի և շահույթի հաշվարկի համար հարկավոր է ունենալ խտանյութերի վաճառքի գները և արտադրական ամբողջ ծախսերը (ինքնարժեքը), սակայն մեզ հայտնի է միայն Ձանգեզուրի պղնձամոլիբդենային կոմբինատի 2003թ. հասույթի և շահույթի չափը: Խտանյութերի վաճառքի գները «կոմբեդիոն գաղտնիքի» անվան տակ մեզ չեն տրամադրվել (դրանք կարող էին ուղեցույց հանդիսանալ մեր հետագա հաշվարկների համար): Այդ հանգամանքը և ՀՀ առևտրի և տնտեսական զարգացման նախարարի կողմից տրված տեղեկությունները պղնձի, մոլիբդենի և ոսկու գների վերաբերյալ հաշվի առնելով՝ մենք հաշվարկել ենք 2003թ. խտանյութերի վաճառքի մոտավոր գները: Այսպես.

- պղնձի 27,41% պարունակության խտանյութից մեկ տոննա պղնձ ստանալու համար անհրաժեշտ է վերամշակման ենթարկել 3,65տ խտանյութ, որի մեջ ոսկու քանակը (մեկ տ պղնձի խտանյութում 4գ/տ ոսկու պարունակության պարագայում) կարող է կազմել  $3,65 \times 4 = 14,6$  գ: Վերջինիս արժեքը 2003 թ. կարող էր կազմել  $14,6 \times 12,5 = 182,5$  դոլար: Մոլիբդենի և պղնձի գների հարաբերությունը, պղնձի խտանյութում ոսկու արժեքը հաշվի առնելով, կազմել է.  $16000 : (3000 + 182,5) = 5,027$ : Խտանյութերի մեջ մոլիբդենի և պղնձի քանակների (պարունակությունների) հարաբերությունը կազմել է 1,82: Այս պարագայում խտանյութերի վաճառքի գները (մոտավորապես) հաշվարկվել են հետևյալ հավասարումով՝  $(6800 \cdot 5,027 \cdot 1,82) \cdot X + 41770 \cdot X = 47,5$  մլն դոլար:

X-ը (պղնձի խտանյութի մեկ տ գինը) = 456,8 դոլար:  
Մոլիբդենի խտանյութի մեկ տ գինը հավասար է եղել՝ 456,8 • 5,07 • 1,82 = 4179,33 դոլար:

Պղնձի 1տ գինը խտանյութում կազմել է 1667 դոլար, որը կազմել է կորզված պղնձի (ոսկու հետ միասին) գնի (3000 դոլարի) 55,6%-ը, իսկ մոլիբդենի 1տ գինը խտանյութում՝ 8367 դոլար, որը կազմել է կորզված մոլիբդենի գնի (16000 դոլարի) 52,3%-ը:

Ձանգեզուրի պղնձամոլիբդենային կոմբինատի օտարման գործարքի իրականացման պահին Քաջարանի հանքաքարերում տարածված և խտանյութերի վաճառքի ժամանակ գնահատվող երեք տարրերի՝ պղնձի, մոլիբդենի և ոսկու միջին գները կազմել են համապատասխանաբար 3155, 53925 և 13,93 դոլար (ոսկու համար տրված է մեկ գրամի, իսկ պղնձի և մոլիբդենի համար՝ մեկ տոննայի գները): Այս օվյակները հաշվի առնելով (եթե դրանք մնան անփոփոխ) Ձանգեզուրի պղնձամոլիբդենային կոմբինատի կողմից թողարկվող խտանյութերը կարող են վաճառվել.

$$\text{պղնձից} \cdot 0,28 \cdot 3155 \cdot \frac{55,6}{100} = 491,2 \text{ դոլարով,}$$

$$\text{մոլիբդենից} \cdot 0,5 \cdot 53925 \cdot \frac{52,3}{100} = 14101,4 \text{ դոլարով,}$$

Ձեռնարկության տարեկան հասույթը կարող է կազմել՝  $6400 \cdot 14101,4 + 60170 \cdot 491,2 = 119,8$  մլն դոլար:

8,12 մլն տ հանքաքար արդյունահանելու և մշակելու պարագայում Ձանգեզուրի պղնձամոլիբդենային կոմբինատի 2003թ. ընդհանուր ծախսերը կազմել են 27,5 մլն դոլար: 9 մլն տ հանքաքար արդյունահանելու և մշակելու պարագայում այդ ծախսերը կարող են կազմել  $27,5 : 8,12 \cdot 9,0 = 30,5$  մլն դոլար, հետևապես կոմբինատի շահույթը ապագայում՝ միայն ու միայն խտանյութեր արտադրելու և վաճառելու պարագայում, այնպես, ինչպես կատարվել է մինչև այժմ, այդ թվում նաև 2003թ., կարող է կազմել՝  $119,8 - 30,5 = 89,3$  մլն դոլար (ձեռնարկության շահույթի մեծացումը տեղի է ունենալու միայն և միայն մետաղների, հատկապես մոլիբդենի գների անմիջապես աճի հետ կապված):

Այսպիսով Քաջարանի հանքավայրի հումքային հենքի և Ձանգեզուրի պղնձամոլիբդենային կոմբինատի կողմից թողարկվող բոլոր տեսակի խտանյութերի վերամշակման մետալուրգիական գործարանների կառուցման, կորզելի բոլոր օգտակար տարրերի կորզման, մաքրման ու գտման համար պահանջվող կապիտալ ներդրումները հնարավոր կլինի կատարել հանքահարստացման ձեռնարկության (կոմբինատի) մեկ տարվա շահույթի 40-41%-ը միայն հատկացնելով:

Մինչև հողվածը մեքենագրվում էր միջազգային շուկայում մետաղների գների՝ հատկապես մոլիբդենի գծով, զգալի փո-

փոխություններ տեղի ունեցան: Մոլիբդենի գինը 2005թ. փետրվարի 11-ից հետո ընկած ժամանակահատվածում նվազեց 15425 դոլարով և 2005թ. հուլիսի 25-ի դրությամբ, կազմում է 38500 դոլար՝ մեկ տոննա: Պղնձի գինը փոքր տատանումներից հետո այժմ մնում է համարյա նույն մակարդակի վրա՝ 3649 դոլար: Ոսկու և արծաթի գները փոքր ինչ նվազել են ոսկու մեկ գրամը արժե 13,51, իսկ արծաթինը՝ 0,22 դոլար:

Մետաղների գների այս փոփոխությունների պայմաններում Ձանգեզուրի համալիր ձեռնարկության տարեկան հասույթը կարող է կազմել  $193,7$  մլն դոլար, որից էլ շահույթը՝  $120,9$  մլն դոլար: Հանքահարստացման ձեռնարկության արտադրած խտանյութերի գները կարող են կազմել.

$$\text{պղնձից} \cdot 0,28 \cdot 3649 \cdot \frac{55,6}{100} = 568,08 \text{ դոլար}$$

$$\text{մոլիբդենից} \cdot 0,5 \cdot 38500 \cdot \frac{52,3}{100} = 10067,7 \text{ դոլար}$$

Հանքահարստացման ձեռնարկության տարեկան հասույթը կարող է կազմել  $6400 \cdot 10067,7 + 60170 \cdot 568,08 = 98,6$  մլն դոլար, որից էլ շահույթը՝  $68,1$  մլն դոլար:

Մետալուրգիական գործարաններ կառուցելու համար պահանջվող կապիտալ ներդրումների (36 մլն դոլար) գումարը կարող է կազմել հանքահարստացման ֆաբրիկայի մեկ տարվա շահույթի 52,9 տոկոսը:

2005թ. փետրվարի 11-ից սկսած մոլիբդենի գինը նվազելով՝ հուլիսի սկզբին հասավ 2004թ. հոկտեմբերից հետո փոփոխական աճող և նվազող գների ամենացածր մակարդակին՝ 38500 դոլ./տ, սակայն 2005թ. հոկտեմբերին այն այնպիսի թռիչք կատարեց, որ զարմանք առաջացրեց նույնիսկ ամենավատես մասնագետների շրջանում: Մոլիբդենի մեկ տոննայի գինը միջազգային շուկայում 2005թ. հոկտեմբերի 20-ի դրությամբ հասավ 74 հազ. դոլարի: Մոլիբդենի հետ համատեղ անմիջապես չափերով աճեցին նաև ոսկու, արծաթի և պղնձի գները. ոսկու մեկ գրամը նույն 2005թ. հոկտեմբերի 20-ի դրությամբ արժե 15,21 դոլար, արծաթինը՝ 0,25 դոլար, իսկ պղնձի մեկ տոննան՝ 4129 դոլար: Նման պարագայում Ձանգեզուրի կոմբինատի կողմից թողարկվող խտանյութերը միջազգային շուկայում կարող են վաճառվել.

$$\text{պղնձից} \cdot 0,28 \cdot 4129 \cdot \frac{55,6}{100} = 642,8 \text{ դոլ./տ,}$$

$$\text{մոլիբդենից} \cdot 0,5 \cdot 74000 \cdot \frac{52,3}{100} = 19351 \text{ դոլ./տ:}$$

Կոմբինատի տարեկան հասույթը կարող է կազմել.  $6400 \cdot 19351 + 60170 \cdot 642,8 = 162524$  հազ. դոլար:

Կոմբինատը շահույթն այս պարագայում կարող է կազմել.  $162,5 - 30,5 = 132,5$  մլն դոլար

Մետալուրգիական գործարաններ կառուցելու համար պահանջվող կապիտալ ներդրումների գումարը (36 մլն դոլար) կարող է կազմել հանքահարստացման կոմբինատի մեկ տարվա շահույթի 27,2%-ը:

Եվ վերջապես, կարևորն այն չէ, թե՛ որքանով նվազեցին մետաղների գները մի ինչ-որ ժամանակահատվածում և որքանով աճեցին: Կարևորն այն է, որ վերջին մեկ տարում զգացվում է մեզ հետաքրքրող մետաղների (ոսկու, արծաթի, պղնձի և մոլիբդենի) գների աճի միտում, այնինչ՝ 2004թ. կեսերին, ՀՀ առևտրի և տնտեսական զարգացման նախարար պարոն Կ.Շնմարիտյանը ՀՀ ԳԱԱ պրեզիդենտ պարոն Ֆ.Սարգսյանի նամակին ի պատասխան հաստատ համոզմունք էր հայտնել, որ բոլոր նշված մետաղների գները կնվազեն և մեր հանրապետությունը կկանգնի «կոտրած տաշտակի առջև», եթե մենք շուտափույթ (անհապաղ) չվաճառենք Ձանգեզուրի կոմբինատը. ծախողվեց ՀՀ կառավարության ևս մեկ «հանճարեղ» կանխատեսում:

Ուկրաինան 2005թ. հոկտեմբերի 24-ին 4,8 մլրդ դոլարով՝ դարձյալ գերմանական ֆիրմայի, վաճառեց «Կրիվոռոժստալ» մետալուրգիական կոմբինատը, իսկ Ձանգեզուրի պղնձամոլիբդենային կոմբինատը վաճառվել է ընդամենը 132 մլն դոլարով, որը՝ նույնիսկ այդ չնչին գումարը, միանգամից չի մոտեցնում պետական գանձարան: Ինչո՞ւ: Ինչո՞ւ նվիրատվության կարգով «վաճառվեց» այդ կոմբինատը: Եվ ինչո՞ւ «վաճառվեց» ընդհանրապես. հարցի ճշմարիտ պատասխանը կցանկանայինք ստանալ առևտրի և տնտեսական զարգացման նախարար պարոն Շնմարիտյանից:

Ավարտելով հողվածը անհրաժեշտ ենք համարում ՀՀ կառավարությանը հիշեցնել մի շատ կարևոր իրողության մասին. Ռուսաստանի Դաշնության կառավարության ներկայացմամբ Պետդուման 2005թ. առաջին ամիսներին, օրենք ընդունեց բնական ռեսուրսների շահագործման վերաբերյալ: Այդ օրենքով բնական ռեսուրսների՝ հիմնականում և գլխավորապես ընդերքի հարստությունների, բոլոր տեսակների շահագործման իրավունքն արգելվել է օտարերկրյա ֆիրմաների, ասել է թե օտարերկրացիների, տնօրինությանը հանձնելը:

Բնական ռեսուրսներով, այդ թվում նաև ընդերքի հարստություններով շատ հարուստ (Հայաստանի հետ համեմատ հարյուրապատիկ ու հազարապատիկ հարուստ) երկիրը արգելում է իր ընդերքի նույնիսկ չնչին մասն օտարներին տրամադրելու գործը, իսկ Հայաստանը՝ ... «Խնդրեմ, համեցե՛ք» և օտարներին է «նվիրում» ամեն ինչ:

## ՀԱՅԱՍՏԱՆ - 21 դար



Ապրում ենք...



Աղոթում ենք...



Պարում ենք...



Հագնվում...

# ՀԱՅՏԱՐԱՐՈՒԹՅՈՒՆ

1920 թ. դեկտեմբերի 2-ին Հայաստանի Հանրապետության խորհրդայնացումից հետո, մինչև 1921 թ. հոկտեմբերի 13-ի Կարսի պայմանագրի կնքումը, Նախիջևանի մարզը դե փոքր գտնվել է նաև Խորհրդային Հայաստանի կազմում: Այս իրողությունը ամրագրվել է Խորհրդային Ադրբեջանի բարձրագույն դեկլարացիայի (հեղուկ) 1920 թ. նոյեմբերի 30-ին հրապարակված հատուկ հոշակագրով, որը Նախիջևանն ու Արցախը հայտարարում էր Խորհրդային Հայաստանի անբաժանելի մաս:

Բոլշևիկյան Ռուսաստանի պարտադրանքով 1921 թ. հոկտեմբերի 13-ին Թուրքիայի և Այսրկովկասի հանրապետությունների միջև Կարսում կնքված պայմանագիրը վավերացրեց Հայաստանի Հանրապետության մասնատումը և Նախիջևանի մարզի բռնագաղութացումը:

Այնուհետև Ադրբեջանը, անտեսելով դաշնագիրը ստորագրած բոլոր կողմերի (Վրաստան, Թուրքիա և Հայաստան) գոնե ձևական համաձայնությունը, 1924 թ. փետրվարի 9-ին երկրամասը հռչակեց Ադրբեջանի մաս կազմող Ինքնավար Հանրապետություն: Այդ անիրավագործ որոշմամբ Խորհրդային Միությունը և Ադրբեջանը խախտեցին 1921 թ. մարտի 16-ի և հոկտեմբերի 13-ի պայմանագրերի առանց այն էլ ապօրինի կետերը, որոնցով Նախիջևանի մարզը ոչ թե կցվում էր Ադրբեջանին, որպես այդ երկրի բաղկացուցիչ մաս, այլ հանձնվում էր նրա «խնամակալությանը»:

1921 թ. սկսած Ադրբեջանը Նախիջևանի հայ բնակչության հանդեպ վարել է նրանց մարդկային ու ազգային արժանապատվությունը ոտնահարելու, իրենց բնօրրաններից դուրս մղելու հետևողական քաղաքականություն, որի հետևանքով 1921-1989 թթ. ընթացքում տեղաբնիկ հայերը բռնի վտարվեցին իրենց բնօրրանից:

Նախիջևանում և իր պատմական հայրենիքի այլ վայրերում հազարամյակներ շարունակ հայության ստեղծած մշակութային ժառանգությունն ունի համամարդկային նշանակություն, որն ավելի քան 200 տարի ուսումնասիրում են նաև օտարազգի գիտնականները: Ներկայումս, երբ միջազգային հանրությունը Արցախի խնդիրը ողջամիտ լուծելու համար ուղիներ է որոնում, կանոնավոր բանակով Ադրբեջանի կառավարության կողմից իրականացվող մշակութային ջարդը ի դեր է հանում այդ քայլերը:

Օտար գիտնականների հաշվմաներով Ջուղայում 17-րդ դարում կար 9-17-րդ դարի 10 հազար խաչքար: 1905-1906 թթ. սկսած և 1920-70-ականներին շարունակված մշակութային ջարդը ոչնչացրեց շուրջ 6 հազար խաչքար:

Մինչև 1998 թվականը Ջուղայում հաշվառված էր մոտ 3000 խաչքար: Այդ 3000 խաչքարերը և մի քանի եկեղեցիները Ադրբեջանը իր բանակի զինվորներով ոչնչացրեց 1998, 2003 և 2005 թվականներին: Շուրջապակի մասնագետը 2005 թ. լուսանկարել-արձանագրել է հանրությանը իրազեկել է, որ Նախիջևանի հայկական այլ հուշարձանները ևս անխնայ ոչնչացվել են նաև երկրամասի այլ բնակավայրերում (Շոռոք, Ագուլիս, Ապրակունիս, Բոնա, Շահապոն)

և այլն):

Հայաստանի կառավարությունը միջազգային համապատասխան կառույցներին, որոնց թվում նաև իսլամական երկրների միջազգային հաստատություններին, պիտի վճռական գործողություններով օգնի պատժիչ քայլեր ձեռնարկել Ջուղայի և Նախիջևանի այլ հուշարձանները ոչնչացրած Ադրբեջանի դեմ: Հայաստանի կառավարությունը անպայման կարող է որոշակի արդյունքների հասնել, եթե խնդիրը դարձնի Հայաստանի արտաքին քաղաքականության հիմնադրույթներից մեկը:

Իրավիճակն այնպիսին է, որ միայն պետականորեն է հնարավոր ոճրագործ Ադրբեջանին միջազգայնորեն դիմակալել և պատասխանատվության ենթարկել խախտելով հայկական հուշարձանների ոչնչացումը շարունակելու նրա քաղաքականությունը:

Նախիջևանի հուշարձանների պաշտպանությունը կոծանողակի նաև Արցախի խնդրի արդարացի լուծմանը միջազգային կառույցներին ցույց տալով, որ մշակույթ ոչնչացնող պետության հետ հնարավոր չէ հաշտության բանակցություններով փոխզիջման գնալ:

Հայոց հուշարձանների պաշտպանության համահայկական հանձնախումբը Հայաստանի կառավարությանը հորդորում է.

ա. Նախիջևանի հայոց միջնադարյան եկեղեցիները, գերեզմանոցների տապանաքարերն ու խաչքարերը ոչնչացնելու համար Միջազգային Արդարադատության դատարանում դատի տալ Ադրբեջանին, այդ պետությանը պարտադրել Հայաստանին հանձնելու Ջուղայում և այլ վայրերում ջարդոխություն արված խաչքարերի բեկորները:

բ. Անհրաժեշտ քայլեր ձեռնարկել, որպեսզի Ադրբեջանից բռնագրավվի ոչնչացված հուշարձանների ու դրանց վերականգնման արժեքը, այդ պետությանը պարտադրվի թույլ տալ որպեսզի Նախիջևանի հուշարձանների պահպանության համար այնուհետ մտցվեն միջազգային գործարկավորումներ:

գ) Հասնել այն բանին, որպեսզի միջազգային կառույցները ստեղծեն Հայաստանի և տարբեր երկրների մասնագետներից կազմված հետազոտական խմբեր, որոնք հաշվառեն, վավերագրեն ու չափագրեն Նախիջևանի ամբողջ տարածքի հայկական հուշարձանները:

դ. Դեսպանատների ու հայկական այլ կառույցների միջոցով Նախիջևանի հայոց հուշարձանները ոչնչացրած Ադրբեջանի միջազգային դիմակալությունը դարձնել երկրի արտաքին քաղաքականության կարևորագույն խնդիրներից մեկը:

ե. Սփյուռքի եկեղեցական, հասարակական-քաղաքական, մշակութային ու այլ կազմակերպություններն իրենց առաջնահերթ խնդիրը պետք է դարձնեն ՀՀ տարածքից դուրս գտնվող հուշարձանների, մասնավորապես Նախիջևանի հուշարձանների պաշտպանությունը և Ադրբեջանի ոճրագործ կառավարությանը միջազգային պատասխանատվության ենթարկելու գործողությունները:

17 հունվարի, 2006 թ.

Հայոց հուշարձանների պաշտպանության համահայկական հանձնախումբ



## Մեծ վերաբաժանում

Մոլորակի գլոբալ տաքացումը փոխադարձ անհախելիաց հնարավորություններ է բացում



Այսօր Արկտիկայում անհիսողեղ մրցավազ է նոր սարածների և բնական ռեսուրսների համար, որը հիշեցնում է «ոսկու ժամանակները»: Հյուսիսային բևեռի բնական ռեսուրսները խոստանում են հարյուրավոր միլիարդների (դոլար) ԵԱՀԿ:

Դեռ այն ժամանակ, երբ բևեռային սառույցները տարեց-տարի սկսեցին ավելի շատ հալվել՝ գալթակալված բևեռի ստորերկրյա գազի ու նավթի հանքավայրերով և ոգևորված տեխնիկայի ընծեռած նոր հնարավորություններով, մարդիկ ու երկրները մղվեցին դեպի խստաշունչ Բարենցի ծով:

Ինչպես կարծում են Արկտիկայի մասնագետները, եթե սառույցների հալումը այդպես շարունակվի, լողացող սառույցների ահեղի գանգվածը՝ այն «թագը», որ միլիոնավոր տարիներ կրել է մեր մոլորակը, արդեն այս հարյուրամյակում ամառային ամիսներին կարող է լիովին վերանալ: Աշխարհը կստանա սեզոնային նավագնացության մի տարածք, որը իր մեծությամբ հինգ անգամ ավելի է, քան Միջերկրական ծովը:

Միացյալ ազգերի կազմակերպության կոնվենցիայով որևէ պետության պատկանող ծովատարածքը Արկտիկայում կամ մեկ այլ ծովում որոշվում է նրանով, թե տվյալ պետության շեֆը (ցամաքային հատվածը) որքան խորն է մտած ծովի մեջ: 2001 թվականին Ռուսաստանը առաջին փորձը կատարեց սահմանադրություն դնել և իրենով անել Հյուսիսային սառույցյալ օվկիանոսի գրեթե կեսը, ներառած նաև Հյուսիսային բևեռը: Ռուսաստանի այդ առաջարկը առարկության հանդիպեց այլ երկրների կողմից, և Ռուսաստանը որոշեց իր հարցը ամրապնդել ու հիմնավորել աշխարհագրական նոր տվյալներով՝ այդ նպատակով հետազոտական նավ ուղարկելով բևեռ: Պատմության մեջ առաջին անգամ նավը հասավ բևեռ՝ առանց սառցահատ նավերի օգնության:

Ոչ մեկին հայտնի չէ, թե վերջին տարիներին սառույցների հալվելու պրոցեսը որքանով է պայմանավորված բնության շրջապատությունով և որքանով՝ աղտոտման արդյունք է: Որոշ գիտնականներ և պետական գործիչներ, մասնավորապես Ռուսաստանում, համաձայն չեն այն տեսակետի հետ, թե մարդկությունը գործ ունի անդառնալի փոփոխությունների

հետ: «Արկտիկայում խնձորենին չի ծաղկի, ասում է քաղաքագետ Իգոր Շպեկտորը, որը նաև ռուսական Անդրբեկոնային և ծայրագույն հյուսիսի քաղաքների միության պրեզիդենտն է:

Այսօր խոշոր կորպորացիաները, մերձբևեռային երկրները, ինչպես նաև ավելի հարավ ընկած պետությունները մեծ ծրագրեր են կապում բնության մեծ փոփոխության հետ: Ըներգետիկ քաղց ունեցող Հինաստանը փորձարարական կայան հիմնեց Հայքբեկոնում և երկու անգամ հյուսիսային ծովերն ուղարկեց «Չեն վիշապ» սառցահատը, որը սովորաբար աշխատում է Անտարկտիդայում: Հետաքրքրությունը սառցահատ նավերի նկատմամբ վերջերս անչափ աճել է:

Այս տարվա սկզբին ԱՄՆ-ի պետդեպարտամենտի հետախուզության և հետազոտությունների վարչությունը երկօրյա փակ խորհրդակցությունում լսեց փորձագետների գեկոցումները Արկտիկայի տաքացման հնարավոր հետևանքների մասին: Խորհրդակցության հետևություններում ասվում է, որ եթե կլիմայական սույն միտումները շարունակվեն, ապա «հնարավոր է, որ Միացյալ Նահանգներին և ուրիշ պետություններին հարկ կլինի լուծել արտաքին քաղաքականության մի շարք պրոբլեմներ: Դրանք են Արկտիկայում էներգակիրների հայտնաբերումն ու դրանց հանույթի հնարավորությունները, ձկնորսության զարգացումը, ծովային նոր ճանապարհներից օգտվելու միջոցները, ծովային իրավունքի շրջանակներում նոր պահանջատիրական քայլերի ձեռնարկումը, ազգային անվտանգության հարցեր և այլն:



## Էներգետիկ պաշարների յուրացում

Խամներֆետտ նորվեգական քաղաքում, որը երկրի վրա ամենախոշորապես քաղաքներից մեկն է, չափազանց ակնառու է մրցավազքը տարածքների և ռեսուրսների համար: Այստեղ են գալիս երիտասարդներ Նորվեգիայի տարբեր ծայրերից, Ֆինլանդիայից, Ռուսաստանից, ասիական երկրներից, տեխնիկական մասնագետներ են հավաքվում Հյուսիսային Ամերիկայից: Բոլորին գրավում է «Չյունանուշիկը», վիթխարի մի համալիր, որն այստեղ կառուցվում է՝ ընդունելու Բարենցի ծովին հանվող բնական գազը, այն հեղուկ դարձնելու և ծովով այլ երկրներ տեղափոխելու համար:

Նորվեգիան ցանկանում է առաջինը դառնալ արկտիկական էներգառեսուրսների յուրացման ասպարեզում: Մասկան առաջատարը լինել ծայրագույն հյուսիսի այդ դաժան պայմաններում, այդքան էլ հեշտ չէ:

«Չյունանուշիկ» վրա ծախսված գումարները հասել են 8,8 միլիարդ ամերիկյան դոլարի, որն արդեն 50 տոկոսով գերազանցել է նախնական հաշվարկները: Իսկ համալիրը դեռ պատրաստ չէ: Սպասվում է, որ 2007 թվականին «Չյունանուշիկը» կսկսի հեղուկ գազ մատակարարել ԱՄՆ-ի Մեքսիկոյի նահանգի Կոուլ-Փոյնտ քաղաքին:

Շարունակելի

## ԲԱՐԲԱՐՈՍՆԵՐԸ



## Հայկական հուշարձանների գեոցիդ Նախիջևանում



## Խակերների մեծ պահանջարկ

Թե ովքեր են խակերները և թե ինչ ֆանտաստիկ հնարամտությամբ կարող են օգտագործել համակարգիչների հնարավորությունները, այսօր հայտնի է բոլորին: Խակերներին կարող են կոչել կախարդ (չար կամ բարի), կարող են գնահատել որպես պատուհաս ու չարիք՝ նրանց անագնիվ, չարամիտ ուղեգրությունների համար և մոլորակով մեկ պայքարի միջոցներ մտածել նրանցից պաշտպանվելու համար, սակայն հաջողության հավանականությունը չափազանց փոքր է:

Մինչդեռ իրավապահ մարմինների այն ստորաբաժանումները, որոնք Ռուսաստանի Դաշնությունում մասնագիտացած են համակարգչային հանցագործությունների աս-



պարեզում («Կ» վարչություն) սկսել են աշխատանքի իրավիճակ խակերներին:

Ինչպես հայտարարել է վարչության լրատվության պետ Անատոլի Պլատոնովը, ինքը «խակեր» բառը հայտնաբերել է ինքնուրույն և հետևաբար էլ «չի ամաչում» աշխատանքի ընդունել նրանց: «Միայն այն խակերը, որը խախտում է օրենքի սահմանը, նա է դառնում մեր հաճախորդը, - ասել է նա:»


Ոմանք էլ այն կարծիքին են, որ խակերը մնում է խակեր, անկախ նրանից, թե որտեղ է նա աշխատում:

## Երկարակամ քարկտիկներ Պենտագոնի համար

Հյուսիսային Դակոտայի (ԱՄՆ) համալսարանի մաթեմատիկայի և ինժեներիոսի կենտրոնում մշակվել է սենսորային մոդելներ, որով անմիջապես հետաքրքրվել է Պենտագոնը:

Գիտնականները ստեղծել են պինգ-պոնգի գնդակների մեծության արհեստական քարեր, որոնց ներսում տեղավորված է ծայրային հաղորդիչ: Այդ «քարերը» կարող են «լսել» իրենցից 18-20 մետր հեռավորության վրա գտնվող անխտիր բոլոր ծայրերը և դրանք հաղորդել ընդունող կենտրոն:

Այդպիսի յուրաքանչյուր «քար» առանց վերափոխված կարող է աշխատել 18 ամիս: Բացի այդ սարքերը (քարե գնդիկները) բավականին էժան են և կարող են օգտագործվել մեծ ծավալով: Այնպես որ ամերիկյան պաշտպանության նախարարության Պենտագոնի, հետաքրքրությունը այդ մոդուլի նկատմամբ, միանգամայն հասկանալի է:



## Տիաճ հիշողությունները կարելի է... ջնջել

Իսրայելի գիտնականները արդեն (գրեթե) կարողանում են ջնջել մարդու այս կամ այն հիշողությունը: Որպես ջնջող ռետին նրանք օգտագործում են դեղամիջոցներ, որոնք ունակ են ներգործել ուղեղի հիշողության որոշակի հատվածների վրա և ջնջել մարդու հոգեկան աշխարհը խեղդող-թունավորող հիշողությունը:

Հիշողությունների վրա քիմիական միջոցներով ներգործելու եղանակը օգտագործվում է վաղուց, սակայն մինչև այժմ հնարավոր էր լինում ջնջել-մաքել հիշողությունը կատարված

իրադարձությունից հետո՝ մեկ-երկու ժամվա ընթացքում, այսինքն՝ քանի դեռ հիշողությունը չէր արմատավորվել մարդու գիտակցության մեջ:


Միայն վերջերս գիտությանը հաջողվեց ճշտել, որ ուղեղից որևէ հիշողության-ինֆորմացիայի ջնջել-մաքելու հնարավորություն է ստեղծվում ամեն անգամ, երբ ապրածի վերհուշը դուրս է բերվում հիշողության խորքերից: Որսալով այդ պահը, գիտնականները անմիջապես մարդու այդ հիշողության վրա ներգործում են ջնջող-մաքող դեղամիջոցներով: Իսրայելի գիտնականներին մույնիսկ հաջողվել է որոշել հիշողության վրա ներգործելու օրինաչափությունները և սկզբունքները:

Այսօրվա դրությամբ գիտնականները իրենց հայտնագործությունը փորձարկել են առնետների և ձկների վրա: Շուտով փորձերը կտեղափոխվեն մարդկանց վրա: Եվ եթե փորձարկումները հաջող ընթա-

նան, ապա «Սևագգեստ մարդիկ» հայտնի գեղարվեստական կինոկարի ֆանտաստիկ իրադրությունը, երբ ինչ-որ սարքով ջնջում են դիմացինի հիշողությունը, կդառնա իրականություն: Միայն թե հիշողության մաքել-ջնջելը այս անգամ կկատարվի ոչ թե ինչ-որ խորհրդավոր սարքի, այլ ներարկման կամ դեղահաբի միջոցով:

Հասկանալի է, որ այդ դեղամիջոցի պահանջարկը շատ մեծ է լինելու: Այդ ո՞ր հիմարը չի ցանկանա ազատվել-մաքել տիաճ, անդուր, սարսեցուցիչ հիշողություններից...

## Նարինջը դեֆ և լվանալ




Այս լուսանկարը ստացանք ճիշտ այն ժամանակ, երբ ամբողջ աշխարհում տարածված է թռչնագրիպի վտանգը: Մենք հաճախ մեզ հանգստացնում ենք, թե մենք մաքրաբեր ազգ ենք, ավելին՝ դիմացկուն, և մեզ ոչ մի համաճարակ չի սպառնում:

Բայց ահա այս լուսանկարը տեղիք ունի մոտորումների, մույնիսկ՝ տագնապի: Նարինջը մենք գնում ենք խանութներում, շուկայում ու նկատում, թե ինչպես սպառողները պտուղները տեղավորում են գեղեցիկ ամանների մեջ, երբեմն կտրած

դասավորում ավստների մեջ ու հրամցնում հյուրերին: Փորձեք հարցնել իսկ նրանք մինչև օգտագործելը լվանալ են այն: Մարդիկ կզարմանան, կզայրանան: Ինչո՞ւ լվանալ, երբ պտուղի միայն միջուկն են ուտում: Բայց մեզ՝ քչերիս է հայտնի, թե այդ պտուղը մինչև մեր սեղանը ի՞նչ ճանապարհ է անցնում: Ահա այս լուսանկարը մեզ կօգնի որոշ բաներ հասկանալ:

Մարդկոն մարինջի խոշորագույն արտադրողն է աշխարհում: Բայց տեսեք, թե ինչպես է մարինջը հասնում սպառողին: Հավաքած բերքը բլուրներից մասն կուտակվում է շուկայում, հետո տեսակավորվում է ու երկար ճանապարհով, ձեռքից ձեռք, մալից մալ ու շուկաներ անցնելուց հետո հասնում է սպառողին: Ուրեմն, պարոններ, ցանկացած պտուղ՝ մարինջ, մանդարին, սեխ ու ձմերուկ օգտագործելուց առաջ պետք է անպայման լվանալ...

Մի գայրացեք, պարոններ... Մենք, իրոք, դիմացկուն ազգ ենք, բայց ինչ իմանանք, թե հավերից ու թռչուններից հետո, էլի ինչ «գրիպ» կարող է տարածվել աշխարհում:



## ԳԻՏԵՔ ԱՐԴՅՈՔ



...Որ եկեղեցական զանգերի ծուլման համար օգտագործվում է այսպես կոչված զանգային բրոնզը: Սա համաձուլվածք է, որ պարունակում է 75-80 տոկոս պղինձ, 20 % անագ (արծիճ) և 1-4 % կապար:



...Որ տնային կենդանիների ուղեղը ավելի փոքր է, քան նրանց վայրի ցեղակիցների ուղեղը: Գայլի ուղեղն, օրինակ, 20 տոկոսով ծանր է, քան հովվաշան (գամփո) ուղեղը: Տնային կենդանիների տեսողությունը ավելի թույլ է զարգացած, ոսկորները ավելի բարակ են, արյան մեջ էրիտրոցիտների քանակը ավելի քիչ է, քան նրանց վայրի ցեղակիցների մոտ:



...Որ հռչակավոր Պիզայի աշտարակը ոչ միայն բեքվում է, այլև ծոճվում և պտտվում իր առանցքի շուրջ: Սույն փաստը ճշտեցին բրիտանացի գիտնականները, որոնք մի քանի տարի հատուկ ցուցիչների օգնությամբ արձանագրում էին Պիզայի աշտարակի պահվածքը:

## Ամերիկյան թռցնում է խելքը

Ամերիկացիների կեսից ավելին ուշ թե շուտ թռցնում է խելքը. ըստ որում շատերը մանկական կամ դեռահաս տարիքում:

Սույն ոչ մի փնտրական տվյալները ամփոփված են Միացյալ Նահանգների հոգեկան առողջության Ազգային ինստիտուտի տարեկան զեկույցի մեջ:

Թե որքանով են հավաստի Ազգային այդ հեղինակավոր ինստիտուտի տվյալները՝ ամերիկացիների որոշելու խնդիրն է: Սակայն այն ամենը, որ մենք մշտապես տեսնում ենք ամերիկյան ֆիլմերում, իսկապես մտածել է տալիս, որ այդ երկրի բնակիչների մեծ մասը խանգարված է կամ, լավագույն դեպքում, խելքը թռցնելու եզրին:

Գիտություն

Գլխավոր խմբագիր  
Վլադիմիր ՄՈՒՐԱՅԱՆ

Երևան-19, Մարշալ Բաղդամյան 24դ,  
հեռախոս՝ 56-80-14: Դասիչ՝ 69268, գրանցման վկայական՝ 448:  
Ստորագրված է տպագրության՝ 30.1.2006թ.  
"ГИТУЮН" ("Hayka") газета НАН РА